

射

鷹

樓

詩

話

射鷹樓詩話卷二十

侯官林昌彝惠常輯

明詩綜引江進之云空同于鱗世謂其有復古之力然二公  
固有復古之力亦有泥古之病彼謂文非秦漢不讀詩非  
漢魏六朝盛唐不看故事凡出漢以下者皆不宜引用噫  
何其所見之隘也夫詩人所引之物皆在目前各因其時  
不相假借如雉鳩螽斯桑扈蟋蟀樛木夭桃芣苢葛藟是  
三百篇所用之物也降而爲離騷則用芷蕙荃蒨木蘭菊  
英蛟龍鳳凰文虬赤螭曾有一物假借於毛詩乎又降而  
爲唐人之詩則用江梅岸柳澗草林花乳燕鳴鳩羣鴉獨  
鶴曾有一物假借於離騷乎非不欲假目到意隨意到筆  
隨自不暇舍見在者而他求耳至於引用故事則凡已往

之事與我意互相發明者皆可引用不分今古不論久近乃曰漢以上故事方用此特有見於漢家故事字眼古雅遂爲此言其實繫用之善不善非繫於古不古也

作柳花詩須切花字否則是賦柳非柳花矣屈翁山柳花詩云一夕垂楊樹花飛入杏冥無風已如雪有雨卽爲萍未忍吹長笛生憎種短亭鶯銜餘幾片掩映數枝青此詩真切有味建甯張亨甫柳花四律云何人留恨晚春天手種長條作絮顛攀折曾經怨離別拋殘猶自愛纏綿因風吹散終何許隔水相看只渺然多少征夫嘆飄泊不堪臨去點佗鞭馬首輕埃辨未真晴絲更卷夾堤勻留他媚嫵無多日送我萍蹤又一春忽忽紛飛還作態濛濛空墮不成塵天涯莫悵啼鶯晚芳草芊綿久似茵橫笛離亭起暮愁

一時亂落不能休可憐官渡煙俱碎更共隋堤水漫流樹  
老無情半搖蕩春歸有迹小淹留殿前誰憶當年客張緒  
如今也白頭幾番眠起眼長青況是今朝撲面迎雪際相  
思猶旖旎雨中如夢不分明乍歸燕子看交舞垂暮楊枝  
欲遣行惆悵紅橋三百外江南處處縈波平閩縣家柯亭  
廣文筠英柳花詩云一抹斜陽杜宇啼飄零無復辨東西  
章臺買笑驄蹄亂隋苑徵歌舞袖迷幾度翻天飛作雪莫  
教墜地躡成泥風流張緒而今老羞把靈和舊事題句如  
殘夢燕鶯春緒懶斜陽煙景雨絲漫蕩子天涯嗟白首美  
人樓上蹙青眉轉眼繁華隨逝水後身惆悵寄浮萍皆切

柳花非泛泛賦柳

柯亭戊子鄉榜

酒庫二字用以入詩便覺典雅朱竹垞題洪生對酒圖云酒

庫京坊六度開薩檀河先生閩宮詞云酒庫新收醉袋殘  
此皆酒庫始見於詩者也或以酒庫二字見帝京景物畧  
今檢景物畧無之楊謙曝書亭詩注孫銀槎曝書亭詩箋  
皆不能詳其所在未知出何典記

錢塘沈竹虛璠汪水雲碎琴歌蒼涼沈著其聲錚然愁思轉  
深硬語獨折詩云念家山破宮苔秋六宮掩泣黼脂悲故  
國茫茫天水碧鍾儀甘作南冠囚當年供奉入天府自製  
新聲爲君譜琴師豈少太古絃趙家已無乾淨土江邊忽  
報白雁來何止金甌缺難補負囊不辭萬里行燕山雪滿  
邊歌苦離騷一曲天爲愁彈不成聲淚如雨南歸催餞梁  
園春陽關別調悲宮嬪忽然變徵裂金石一聲擲地揚飛  
塵桐枯玉折紫鸞泣孤臣碎琴如碎身舊物惟留賜硯在

斧柯片石隨遺民君不見思陵琴士號黃震日給黃金被  
親信同是宮庭待詔人惟君焦萃凋雙鬢吁嗟乎文山琴  
絃絃迸露正氣吟疊山琴聲聲訴出卻聘心文山疊山埋  
碧血水雲之琴從此絕

河間紀文達公著灤陽銷夏錄淮西雜記如是我聞姑妄聽  
之四種總名曰閱微草堂集其託狐鬼以勸世可也而託  
狐鬼以譏刺宋儒則不可宋儒雖不無可議不妨直言其  
弊託狐鬼以譏刺之近於狎侮前人豈君子所出此乎建  
甯吳厚園茂才詩云莫易雌黃前輩錯寸心也自細評量  
真和易之言

初唐四傑七言古與長慶體不同二者均是麗體四傑以穠  
麗勝長慶以清麗勝須分別觀之譬之女郎之詞一則爲

青樓之絲竹一則爲繡閣之笙簧讀者不可不辨也

庚戌公車南旋與粵東溫伊初同舟伊初論朱竹垞七言律似前明李空同余不謂然空同詩雖學開寶及蘇十子氣骨宏敞然未免有襲取之迹不如竹垞出以娟雅登開寶之室而無襲取之弊伊初乃於舟中復檢竹垞七律細讀數過深以余言爲然

東鄉吳蘭雪刺史自題詩集七言古長篇近二千言多敷衍鋪張冗長傷氣閩縣某先輩稱其詩爲近代七古鉅篇未免推許失實

朱竹垞風懷二百韻特遊戲三昧耳豈得以此貶賢其不刪風懷詩也曰吾不願爲兩廡特勝乃有慨於元明祀典之濫故有激而言也昆山顧亭林廣師說云文詞古雅宅心

純厚吾不如竹垞蓋推服至矣吾謂國初諸老能兼經學詞章之長者竹垞一人而已況人品之純非西河鈍翁輩之所能及也

閩中泉山有四福建雍正通志乾隆續志皆相沿而誤不能實指其地道光壬辰陳恭甫先生命予協修福建通志予嘗辨之辛丑予由溫州公車入都舟中與吳蔚林孝廉談及舊志泉山之誤孝廉成五古二十韻起四語云泉山峙東甌一人可守險席捲指南行買臣言終驗按泉山在浦城縣東北六十里者太平寰宇記引建安記云山頂有泉分爲兩派一入處州一入建溪在泉州城北五里者亦曰清源山周環四十里方輿勝覽云山有石乳泉澄潔而甘其源流衍下達於江以泉名山及州以清源名郡皆本於



此在福州之城東北隅者一名治山三山志云宋治平圖曰泉山熙甯圖曰將軍山唐開元置福建折衝號泉山府兵皆卽治山爲名唐裴次元作天泉池題其山亭今山下猶有泉一泓紹興間薛殿撰弼創泉山堂其側蓋識古也後人或以泉山在蓮花山下有指鼓山爲說皆失之在温州城東南四十里者亦曰大羅山廣袤三十餘里寰宇記云東北枕海引永嘉記山北有泉天旱不涸故以名山山東有瀑布長數十丈頂有大湖之四者樂子正梁文靖祝和父各指爲東粵王居保之泉山以余攷之惟溫州之泉山是其餘皆非也漢史朱買臣傳所謂故東粵王謂東甌王也所謂今東粵王謂餘善也惠帝三年立閩君搖爲東海王都東甌世號曰東甌王閩粵列傳東粵請舉國徙中

國迺悉與衆處江淮之間謂東甌爲東粵此其證也建元三年閩粵圍東甌東甌不能離其都而走保海瀕之泉山漢兵未至閩粵引兵去閩粵亦未嘗與漢交鋒也買臣言一人守險千人不得上非謂居保爲距閩粵特謂搖以下數世都東甌而明其有險可據耳東粵旣徙江淮閩粵王郢亦被殺漢立無諸孫繇君丑爲粵繇王奉閩粵祭祀又立餘善爲東粵王當處東甌故地而與繇王並處國中是其後東粵居在治而不在東甌矣至元鼎五年漢破番禺樓將軍楊僕請引兵擊東粵上令諸校留屯豫章梅嶺樓待命明年秋餘善遂發兵距漢道號將軍驕力等爲吞漢將軍入白沙武林梅嶺殺漢三校尉上遣橫海將軍韓說出勾章浮海自東方往樓將軍僕出武林中尉王溫舒出

梅嶺粵侯爲戈船下瀨將軍出若邪白沙元封元年咸入東粵是時東粵三道發兵而漢四道發兵出武林者由浦城入出梅嶺者由贛汀入此陸道也出若邪白沙者由會稽入回浦抵東甌若邪者會稽山白沙者永嘉嶺也此水道也而韓說一軍出勾章以舟師從東方往乃由東海道而南也買臣言今發兵浮海直指泉山陳舟列兵席卷南行可破滅也此欲以舟師由東甌海道抵冶也及買臣拜會稽太守歲餘受詔與橫海將軍韓說等俱擊破東粵卒用其策成功卽元鼎六年事也蓋自勾章趨永嘉自永嘉趨冶揚颿鼓柁建瓴而下拊東粵之臂而扼其吭故可由海師破滅連於諸道而海師先至故粵建成侯敖與繇王居股等謀俱殺餘善亦以其衆獨降橫海軍也東粵王更

徙處南去泉山五百里居大澤中其福州之南臺白龍江  
乎淮南王言粵習於水鬪便於用舟其居大澤蓋以練水  
軍耳猶之閩粵王治兵於治南也且一以拒漢一以控繇  
王殆當日謀國之本計與五代漢初南唐圍李仁達於福  
州吳越將余安自海道赴救至白蝦浦海岸泥淖布竹簣  
而前旣登岸奮擊南唐兵大破之顧祖禹方輿紀要以爲  
白蝦浦卽白龍江也然則白龍江固自晉用兵之地漢於  
東粵亦猶是爾今一統志永嘉東南至霞浦二百七十里  
霞浦至福州二百八十里除泉山三十餘里故約之曰南  
去泉山五百里也以買臣之言印之漢年時地勢事蹟無  
不吻合泉山之屬永嘉磅礴然無疑若以爲浦城之泉山旣  
非浮海所能到福州泉州之泉山又非故東粵王所居且

安得有千人不得上之嶮顏師古注漢史謂泉山卽今泉州之山師古時泉州則福州也明郭子長郡城水道書謂無諸都治治山之前皆池周可數里據高岡臨巨壑江流繞之是稱險隘陳女翔閩中攷以爲買臣所謂嶮則指崇安浦城邵武三關不可泥守險之說而亦主治山爲泉山不知卽移屬故東粵事於閩粵然粵方距漢不守險於遠而區區保其國都愚豈至是哉而就清源言之餘善更南徙五百里則在漳潮之境雖東粵從擊呂嘉兵嘗至揭陽然豈捨國都不處而自遁於邊陲以取窮蹙耶衆論紛然惟温州之泉山爲確而可據

聽濤書屋詩集六卷續集二卷宛平溫松雲布衣著布衣大父遊幕吾閩貧不克返故里至布衣而貧益甚布衣旣術

醫以業家多活人詩筆超解而輪囷奇傑之氣不可掩抑  
當其興之所會有披髮騎麒麟翻然大荒之慨光澤高  
雨農先生以詩豪目之其雜感諸詩爲襄陽遺響又若繁  
音捉節如笛人破詩云一日復一日夕陽在山谷山中高  
塚下狐狸常棲伏雲樹渾蒼莽牧童叱黃犢相別村社人  
歸來行速速人無雙翼飛安得思清福有田不能耕安知  
生百穀有圃不能種安知生蔬菽取資全待人不覺流光  
逐有酒供我飲有詩供我讀水源木本心言之淚盈掬鎗  
下起長歌一歌當一哭其咏屈原詩蒼直之氣可埒崆峒  
詩云江魚莫敢吞忠骨雪浪銀濤啟墓門今古有人推賦  
手江山無地哭忠魂心因大苦難諧俗才不留餘屬感恩  
澤畔行吟猶未忍可憐誰與楚王言白桃詩七律寄託深

遠不減袁凱白燕詩詩云縞衣僊子下瑤池化作花身玉  
一枝自有素心盟白水生無媚骨艷芳時笑他輕薄紅塵  
慣認我精神粉蝶知不向門中供物色淡無言處且棲遲  
牡蠣瓶齋蔓草六卷侯官張篴仙明經人和著明經詩深於  
性情有宋楊誠齋風味天趣閒放夷憚意念間有淵然之  
思泊然之度性好客嘗招余飲吾好樓其詩意詩可稱天  
籟詩云欲覓詩中意不知在何處有時招不來有時麾不  
去欲覓詩中意去來無定處有時還自來有時還自去其  
春暮郊行卽事詩中有畫清麗逸宕似許丁卯詩云深林  
錯落雨三家散步重來路不賒慘徑白羶鋪柳絮漫溪紅  
雨落桃花斷橋芳草三叉路古木斜陽數點鴉行倦敢嫌  
村老俗周旋聊與話桑麻

瓶菴居士詩鈔四卷閩縣孟瓶菴先生

進士事述詳東越儒林傳 趙然著 先生乾隆己卯解元庚辰

以清節自勵年四十二告歸侍養主鼇峯講席誘掖生徒  
臺鹽不倦田產勵足自給所入館穀大半以周族戚之貧  
者族人坐食先生家凡數輩有徑持先生衣物以去先生  
不問或以告領之而已臺灣某生徒豐於貲其父被同里  
誣械鬪殺人獄成生徒以十萬金賂先生請言於大府白  
其冤先生義形於色曰孟超然豈要錢者乎既乃密告大  
府遂釋其獄生徒德之凡此皆人之所難也詩亦冲和恬  
澹不失溫柔敦厚之旨其五言古馬鞍嶺云策馬亂雲中  
巉巖不知數二十四馬鞍馬蹄此焉度怪石卽顛墜于中  
得道路攫如蛟龍騰猛若虎豹怒下臨無際淵惴惴看行



步古云行路難既行那得住却於過身時不堪一迴顧扁

鵲墓云君能活死人不免爲人害死人能活人猶有墓前

文

相傳湯陰艾以扁鵲墓爲上

七言古天王山劉將軍碑云

萬歷間總兵劉綎征

王大咱戮首三千葬此題曰鯨鯢封處

天王山前山鬼泣殘碑風雨蒼苔濕

鯨鯢封處成邱陵血污遊魂悔何及爾曹椎髻皆王民須

識天王長養恩僉僞笑語蒼巖下膽裂一憶劉將軍五言

律明長沙府推官蔡忠烈公道憲云湘水藤花落淒涼更

不春健兒林國俊降鹵尹先民悔後留吟草生前矢致身

醴陵坡月上猶照故鄉人

公吾鄉晉江人獻賊陷長沙總兵尹先民降公被執不屈磔之

氣垂絕作忿恨聲賊問何恨曰恨不殺先民爾健卒林國俊等皆從公不屈死公詩名懷後集湘水清紫藤花落魚

子生公詩句也祠在南郊醴陵坡上曉行云驛路記曾經長亭復短亭板橋

斜帶月野水遠涵星竹密朝煙暗霜濃宿酒醒何人芒屨

出踏破曉山青七言律湯陰岳忠武王祠云十二金牌解  
戰袍愁雲直逼陣雲高朝廷敢恃刑牲信將帥難爲汗馬  
勞功在十年天地鑒獄成三字鬼神號旌旗一去朱仙鎮  
安得黃龍醉濁醪年少登壇百戰多精忠涅背總難磨復  
仇慷慨頻觀史下令分明數雅歌叩馬書生言竟驗壺漿  
老父痛如何淒涼轉憶宗留守屬纊聲聲喚渡河禾黍離  
離滿汴梁湖山豈合戀錢唐北轅有恨同懷愍南渡何心  
憶靖康過嶺他時悲趙相騎驢無分比斬王從茲馬角無  
生日雪窖冰天永斷腸駐馬斜陽過蕩陰樞衣祠下淚盈  
襟卽山洛水傷興廢麥飯冬青自古今衛士衝冠搥白刃  
太師長脚鑄烏金祠門外塑施全持刀下鑄鐵像五皆反接跪北向樓霞嶺下傷  
懷地曾見南枝滿墓林渡河云金堤千里靜波濤解纜平

陰日色高古驛紆迴臨廣武雄關蒼莽入成皋山川自帶  
英雄氣楚漢曾聞戰伐勞極目中原懷往事河流終古自  
滔滔七絕云新聲誰唱鶴南飛與客西征度翠微草草驛  
亭湯餅會那知遊子淚沾衣津頭白鷺任飛翻盪漿遲遲  
出海門不信此間成別島小漁村隔大漁村陷河水接瀘  
山寺木托山迎望海樓絕塞憑高更懷古溟雲漠漠近新  
秋讀唐詩云自笑生平不好奇病中聊復試爲之北窗急  
雨驚風會卧讀盧同馬異詩

伴香閣詩鈔八卷欽方子雲布衣

正澍

著布衣忘情仕進嘯

傲衡門今之賈浪仙羅昭諫也詩造句新警工於體物一  
聯一語唐人得之皆可名世吳會英才集謂布衣賃屋長  
干索居屏跡袁簡齋論詩所謂更有閉門工索句無人解

扣子雲居是也五言古武功寺云琳宮飛鳥外昏曉落鍾  
鼓厯盡千仞梯寺破松門古一磴雙派合孤亭衆山聚苔  
徑淡斜陽竹窗滴殘雨人靜聞幽香茶花剛半吐七言律  
秋日山邨卽事云野處何知行路難重陽時節足盤桓寒  
蕪背日猶能綠秋葉無霜也自丹負郭邨孤茅屋矮傍田  
莊小稻塲寬慚予未是忘情者暫任山林夢亦安臨江臺  
云手擲瓊簫上露臺百年懷抱一時開松根瘦石如人立  
江外濃雲似馬來花鳥春供行酒興窮愁天與著書媒茫  
茫極目斜陽裏城堞連空畫角哀遊觀音門外諸勝處歸  
作四首云幽邨合沓亂峯圍引我前行蛺蝶飛綠水數灣  
千石筍紅花一塢幾柴扉松風吹壁送樵笛梅雨過林涼  
客衣小憩苔磯閒矯首遙天鶴帶白雲歸小綴青錢夾道

榆爲防苔滑，債藤扶煙林。藏屋深難見，野水侵堤細。欲無  
隱隱斜陽開，野甸離離春。意滿荻蒲偶，然添得遊人興。古  
木叢祠喚鷓鴣，崖回路盡隔煙蘿。絕磴低頭看鳥窠，遠樹  
擁雲疑列嶂。怒流衝石起盤渦，鍾聲不受千花隔。天氣翻  
因一雨和我欲，此間營數畝茅茨占斷好巖阿。苔封石徑  
色蒼蒼，閒步還憐屐齒妨。溪上花紅高閣燕，邨頭草綠一  
坡羊。那堪落日照人反，且喜携壺引興長。自笑斯遊真不  
負好詩收拾滿，奚囊春日讀書小圃有作云：短短柴門閉  
夕暉，閒來畫看陸探微。金爐烟盡香仍在，書院風停花自  
飛。松影涼侵棲鳥夢，池光青上酒人衣。園居似此真堪樂，  
家釀初成筍正肥。過魏居士邨墅云：空屋無鄰晝掩門，欄  
前高下疊雲根。濃薰花氣琴絲潤，久著茶煙畫軸昏。酒熟

且成文字欽詩工休與俗人論流連相款情無厭真覺山  
居道誼敦七絕爐香云爐香漠漠裊輕煙碾得龍團手自  
煎不下湘簾待歸燕風吹花片打琴絃江樓云手搦仙人  
碧玉簫高樓獨上思無聊欄干影落春江底萬里桃花一  
夜潮觀閨秀王采薇手刻遺印爲淵如作云石豈能言誠  
有靈招來兩字本金經可憐一睡瑤臺夜花霧冥冥喚不  
醒一印刻如  
夢二字宴客揖山樓云葡萄美酒綠盈甌正捲湘簾  
客正酣十二紅闌樓四面斜陽西北月東南五言句如石  
勢劃天破江形接地開雲過月西向潮來江倒流水天遙  
浦合日月斷崖生火雲蒸雨出潭水帶龍腥暗水不知處  
幽禽時自鳴城高雲不度磧迥日難低山勢盤元氣河聲  
折大荒雲深崖樹短水落石橋高雲白遙疑水風寒欲亂

晴江聲流客夢帆影挂春寒嵐煙衝過鳥秋色淡行人春  
煙和野色夜雨變溪聲石氣青樓閣湖光白古今江迥日  
無色潮迴岸有痕河冰堪躍馬風力欲飛人日寒過午淡  
江遠與林齊千嶂一亭得孤花羣蜨分萬古不知地全山  
如在舟海近夏猶冷山空雲有香江遠帆如定風狂石欲  
飛七言句如煙蘿挂壁疑無路日月行空似有聲酒幔隔  
花人問路漁莊臨水鴨知門亂雲影逐飛鷹擊萬馬聲隨  
返照來青塚埋香留片土黃河流夢入中原撥雲人上鳥  
邊路落日船盤天際江貼雲孤雁飛無影帶雨寒楓落有  
聲高閣紅扶臨礪樹小亭青受隔江山大江水濶征帆小  
曠野沙平去鳥低斷坂夕陽聞牧笛小溪秋水響魚叉花  
事雨多俱寫意俗人交淺易忘名花路綠溪三里曲水雲

上樹一邨明沙邨苦竹梢無葉月夜征鴻背有霜山驛罡  
風吹地白江邨新月到門黃晴江遠樹梢頭水夕照平蕪  
盡處山雙峽束江吞楚蜀萬峯送雨落淮徐人鋤北府新  
春草江走南陽舊夕陽眠逢獨夜難成夢人爲多情易感  
秋風急忽疑星欲墮舟移如與月同行古欄一條千石荀  
青山十里幾茶亭林疏偶見樵人屋郭近時聞驛使鈴野  
田寒水秋猶大是野大水邨徑濃霜人未行人來背樹亭中坐  
山在隔溪原上青柴門遮竹不知屋溪水通江自抱邨事  
皆如願愁何有天遣多情死亦甘飛電忽明雲外樹斜陽  
偏戀雨中山春雨過時千嶂綠薺花破處一人耕月色送  
潮來晚浦鰣聲搖夢入春城江從紅樹盡邊轉月自青山  
缺處生空山雲與人爭路破寺風隨虎打門苔上閒行嫌



屐重花閒久坐覺衣香平野山容吞落日孤村雨色入昏  
鴉長林鳴鵲有聲畫亂石流泉無譜琴秋樹塢藏清磬寺  
夕陽溪抱亂蟬邨高月鴻飛遺小影深堂人語聚餘聲紅  
樹斷邊秋澗出碧山亂處夕陽多原上兩山俱抱寺塢中  
獨姓自成村林鳥忽隨霜葉下江潮自背夕陽還春信煖  
調時鳥舌雨絲香入百花心一院綠天栽竹地滿身紅雨  
折花人紅日落時雲疊起青山斷處水分流閒看富貴翻  
多累病憶家園亦至情儉可救貧新得策藥能除癖古無  
方急水與天爭入海亂雲隨日共沈山鳥衝濃霧歸林緩  
雪舞迴風到地遲年荒行店收燈早邨小居人葺屋低雲  
垂極浦帆來重風急長空鳥去遲潮初出海如雪白月乍  
離山似日紅雨色無邊樓易暝風聲不定海初潮雪始辭

雲猶是雨山遙隔浦總如煙竹葉聲疑三徑雪梅花香聚  
一窗雲獨雁叫雲江郭靜一燈隔雨竹痕深雲與亂鴉分  
樹宿螢隨清磬出樓飛水從斷嶺腰間出日向濃雲脚裏  
行雲到空山攬馬過月當平野趁人行每聞好鳥常思友  
偶見名山卽憶家

北湖小志載旣上人詩草一卷江都僧姜雪蒼著雪蒼詩才  
清越筆致隱秀如雨岸壁立蒼翠欲滴五言如斜風雙鳥  
白細雨一花紅板橋支卧柳水鳥近香臺低昂惟有影來  
去各無言風多家未定雨暗夢何存七言如風便乍聞荒  
寺鼓溪同斜見遠村燈烟市夜闌燈易散竹堦人靜月孤  
明風吹鳴鳥春何遠月落空梁夢已非天下士如君尙隱  
山中雲笑我歸遲

對嶽樓詩錄二卷曲阜孔繡山舍人

憲彝

著

道光丁酉鄉榜今官內閣中書

舍人嘗謂詩有真性情則體例俱在才與氣輔之而已此  
舍人自道得力也舍人弱冠卽能詩津門梅樹君學博建  
梅花詩社名流畢集互角旗鼓舍人以弱齡獨整一隊旣  
遊江淮交遊益廣同時詩人如潘四農之嚴謹龔定菴之  
高曠張亨甫之豪雄莫不推襟送抱相見恨晚舍人詩才  
華駿越韻致纏綿龔定菴謂其詩位置在隨州樊川之間  
非溢語也道光甲辰余獲交舍人於京邸見舍人所爲詩  
文援筆立就余勸其學司馬相如之遲毋學枚臯之捷其  
五言古如雜詩云我方論古人世復議我後千秋爭是非  
誰敢執其咎著論准平情慎勿輕可否太上貴立德是謂  
真不朽青眼問阿誰酣歌飲美酒世無謝宣城青蓮肯低

首我聞蕭千巖論交白石久自謂四十年作詩得此友七

言律讀明張忠節公家傳云

公名秉文桐城人官山東左政使崇禎戊寅殉節濟南裴

布妾陳並投水死一妾陳有身視髮尼舍得免事平求公方人屍歸葬桐城公子克倬克仔以赴試未與難聞於朝夫旌如血書愁寄老新看慷慨臨陣扞敵難移鎮早知疎被例

重地擁兵何止罪中官孤臣力盡城同陷烈婦魂歸水亦

寒典重兩朝新廟貌明湖蘋藻薦杯盤七絕許季眉

乃常

茂才招同祝鞠門葉素奩黃韻珊徐梅橋諸孝廉許少珊

同年飲尺五莊云柳花如雪草萋萋淺水微波罨畫谿檻

外好風吹酒盞一亭秋雪古藤低

韓詩外傳爲詩話之權輿亦可當先正格言讀

江都汪孟慈太守

喜孫

容甫先生

中

之冢嗣也精於攷證傳

其家學不愧名父之子道光辛丑觴余於京師龍樹寺余

嘗見其五言古數篇酷似二謝云

附鮒軒詩鈔陽湖洪雅存大史

亮吉

著太史至性過人發爲

忠孝故其詩奇思獨造遠出常情五古歌行傑立一世早  
歲與黃仲則齊名江左時號洪黃後沈研經術著書盈篋  
與孫季述同客最久論學相長人又稱洪孫云夙嗜山水  
所遊嵩華黃山皆升絕壁題字乃反篤于友誼黃客死素  
車千里奔赴其喪世有巨卿之目故其贈友諸什情溢於  
文讀者淚下五言古自岷縣至天臺山行雜詩云楓生北  
山上葉落入西嶺傷此東南風愁看去來影蕭條暮天氣  
淒瑟斷人境露草黃一壇土花紅半井傷禽旣相戒廐馬  
行復警寥寥天地心窮秋一深省鍾沉遂無聲燭滅忽有  
影還登落月峰眺此絳雲境荒荒北來水阻此西去嶺客

久亦撫心童勞屢延頸來蹤匪無戀去志忽不猛寒月無  
裳衣徒憂涉波冷山禽呼水禽棲息多在戶夏蟲語秋蟲  
寒久何忽暑川原旣相間涼燠各有主車馬喧寂中勞勞  
自爾汝征衣冒荆棘客飯雜塵土曉發斑竹山言尋自蘋  
浦由淨慈寺至龍井道中作云離湖始入山一徑青裊裊  
土風殊清淳花比桑麻少人家嵐氣重屋角出青草馬上  
人影高窺林撫巢鳥空外山雨來方嫌出門早薄暮至湖  
上小飲云行人乍離山山色已如夢同聽南屏鐘薄暝數  
聲送衣單思中酒春醪喜盈甕漁人蓄魚處引水漸成衝  
雙鯉欲飛時全湖綠俱動七言古夜泊金山寺云柳絲垂  
黃不垂碧雨腳飄青復飄白風輪吹散一萬株隨我東來  
蔽江黑前舟只聞柔櫓聲風水不定愁宵程後舟微茫接

沙尾稍辨人聲出蓬底一更初明山寺鐙二更雨止歸寺  
僧三更棲鳥避光景塔漾空明七層影青門送別圖送史  
上舍歸吳江云渭城西去青門東古今送客愁不同咸陽  
原邊馬行少只覺客從東去好去年別青門今年客梁園  
爲客忽不樂放眼歷歷思秦川幾年君向何方住君久客甘肅  
却望秦川作歸路貪看削雪萬重山行到斜陽最西處東  
西歷盡詩一囊已抵陸賈千金裝吳江楓落句雖好何似  
變體吟伊涼讀君詩完飲君酒七尺憐君好身手塵衣浣  
向海東頭飽看日上滄冥流五言律芳茂山省從母因留  
夜宿云小築谿深處都憐補薛蘿亂山開戶遠秋月閉門  
多衣冷親添繭鐙昏乍拂蛾遲眠貪久語不覺夜全過四  
鼓行嶧縣道中云高原墳樹古人鬼或同經夜氣沉殘月

天風動大星未愁前路暗不斷此山青向曉寒尤頸車前  
雨腳腥七言律自儀真放舟至維揚憶汪大端云不及虹  
橋修襖辰布帆東去剩殘春鄙嫌里俗非吾土窮憶交遊  
有此人日晚細尋花下路風喧時避竹間塵重來屈指無  
流輩董相祠前駐短輪

陽湖孫淵如觀察

星衍

著有兩粟樓詩鈔觀察倣儻通才不

拘禮俗少時溷跡閭里恆有文長夢晉之遊旣壯折節讀  
書習篆籀古文音聲訓故之學棄其詩什百不存一自云  
文不逮意然才思敏捷下筆千言嘗客長安節暑與友人  
一夕賭作銷寒各體詩四十首踰時而成文不點綴誠異  
才也始以伉儷能詩嘗摹宮體有婦病句云眉痕偏覺瘦  
來濃指爪都從病裏長爲時傳誦云詩筆瀟爽拔俗飄然



有凌雲之氣此經師兼擅韻語之證也其七言古宿江上  
云朝行空江中暮宿空江裏江頭一痕山日入化烟水波  
心月出天蕩搖欲上不上知天高大魚噴沙作飛雨白鳥  
上樹如驚濤櫓聲伊啞襍鳴雁人語衝寒不能辨穿蘆燈  
影集萬條接舵水紋明一線漁歌入夢心四飛忽復夢斷  
歌仍微舟人搖客夢中去魂在橫江醉吟處彈琴作云秋  
河下映秋池清中間月出隨波盈煙中影結多時綠風裏  
輝流不定明秋堂主人有仙骨授簡賓僚待秋月珠履宵  
沾白露移碧紗暮對青山揭此時分照入千門十二間街  
靜碾塵斷續城中傳析響依稀樓畔搗衣人銀屏夜落橫  
琴影月底弄琴琴素冷指上清光凌亂生弦中商意分明  
緊一彈秋月生波瀾再彈秋老欲語言流螢乍落看還住

斷雁將飛似更還石欄前頭百重樹葉枝枝化烟霧樓  
閣疑浮海上來風泉忽到山深處曲終月淡天爲高何處  
仍吹宛轉簫一聲約住流雲影萬里魚鱗豔不銷主人尋  
幽足幽思何必東山挾聲伎君不見終南仙館夜深琴門  
外終南碧無際入茅山作云松梢浮烟暮霞薄擗葉無人  
白相逐山根草死聞枯香碎石馬蹄聲促促連岡千迴失  
徒旅日人林空響樵斧雙溪石髮合暗泉十月山禽作春  
語

長離閣詩藁武進王玉瑛安人

采薇

著安人爲孫季述觀察

星衍

妻才慧早世其詩哀感頑艷丁當清逸閨秀中所罕

覲也七言古昆靈曲云宮槐朧朧向青曙蠹粉梁空燕無  
主玉筵不動踏堂塵簾底菱花學眉語蟬絲細帳蟲織成

秋簾夜碧啼潛英翻翻小蜨隨裊幅跡跡哀桐作履聲秋  
夜荅季述云金爐無香道書朽隔枕秋聲下殘柳瑣窗眉  
歛愁寄牋懸夢已入浮雲邊蕉廊風多獨吟處落葉幽魂  
各來去寒蟲一夜啼漸低露白星黃共爭曙五言律山名  
云草蟲門徑遠一路入谿煙月滿無入地鍾殘有雁天心  
孤聞動竹衣冷近流泉欲覓鄉關夢棲空獨上眠次韻荅  
季述云香霧斜橫帳衣繚重壓衾夢聽啼鳥亂愁與落花  
深易盡千行札難分一縷心相如情若固何用白頭吟七  
言律夜坐云坐久幽窗卧未成羅幃如水夜寒生五更霜  
月欺燈影一樹風鴉續雁聲短草積烟歸夢怯疏林落葉  
曉魂驚紅闌幾曲還扶病水玉簾間看啓明春夕檢季述  
詩云百首新詩慰寂寥微微燈坐夜迢迢玲瓏鳥語驚簾

押寂寞香絲騎畫綃一院露光團作雨四山花影下如潮憑  
欄罷檢緘愁句恐損東陽病裏腰蔣墅舟次和季述下第  
有作云一夕霜花濕鬢青湍聲出渚棹初停病中龍具和  
衣泣愁裏魚蕭帶夢聽隔浦葉多飛似鳥入林銓小遠于  
星從君湖海幽尋至何日浮家去杳冥得季述書云尺幅  
吟牋照淚眸半窗斜日夢孤舟愁如天遠還窺帳病與雲  
親不下樓濕翠雨收侵硯匣落紅風颭上簾鉤青山到處  
應相憶除是征人醉裏游晚立云涼影蕭然襲薄紗月痕  
寒極卷輕霞烟中紫燕相離語霜裏紅蕖獨自花住久小  
樓因對嶺斷來清夢又無家垂楊萬縷知鄉思只趁西風  
一向斜五絕無題云欲暝疑當曙涼春侶早秋青山獨歸  
處花暗一層樓五言句如劍明疑有月香細欲生雲七言

句如寒天細竹人孤倚斜日空檐燕對飛愁年不共生年  
短死日方知別日佳寒浦帶星垂似露夜風吹月動如波  
自來咏岳忠武詩者極多惟粵東溫伊初孝廉兵法無前古  
五字精切無比不愧長城

侯官陳蘭臣

翊勳

著有大夢山房詩鈔蘭臣詩辨香阮亭及

永福十硯翁情韻纏綿詞旨婉麗佳處爲唐人高湘盧澹  
孟遲崔櫓之流亞也布衣善鼓琴家陸庄門前綠水環流  
往來漁火孤蓬歷歷在目宅近西湖故其詩寫西湖勝景

一一如繪詩云十里晴波護水田經營猶記太康年分明

千載笙歌地蘆葉蘆花傍釣船

西湖小利瀆民田不下萬餘頃明馬森有記

野

樹述離霧未銷女牆殘月景寥寥孤山寺裡鐘聲落漁火

星星出板橋

孤山寺卽今開化寺湖邊窰角多以打魚爲業每夜於漏四下漁錯落湖心女牆殘月荷

氣清幽當六七月間又讀長生殿傳奇題後云果然開國

此景借沁人心目

貴良規祖父原爲孫子師不是王環能誤至先聲早兆刺  
巢妃沉香亭北倚欄時內使傳宣進樂詞若使青蓮能婉  
諫彤墀合進葛覃詩六宮前此駐征鞍宛轉娥眉掩面難  
大息昭陽宮裏月梅花猶得耐春寒靈武當年靖逆塵誰  
能宗社復更新汾陽懋績雖陽烈更賴調停南內臣蘭臣  
久困場屋抑鬱牢愁作落花詞云蕭齋獨坐發高歌銷盡  
芳魂奈若何枝底難禁風力勁枕邊常雜雨聲多逢場蕭  
鼓春陰暮入夢樓臺幻影過一自金樊輕別後馬蹄展齒  
儘由他休論前此托根深幾度巡籬思不禁波面迴文春  
着水天涯歸客綠成陰夾從瑤簡香生字拾向紗囊潤人  
琴難得風騷虞學士酒旂歌板鎖相尋山邊亭館水邊籬

解作迴風小舞時到此知難爭命薄於今悔作繫鈴遲楊  
枝去後春誰主桃葉歸來髻有絲賺得伊人三五夜幾番  
辛苦費陳詞萬點殘雲下上飛無端拂帽又侵衣夢迴紙  
帳人無賴月落前溪燕未歸愛護徒勞故主力飄零爭訝  
此身非輸他岸畔王孫草尙自絲芊綴綠肥

憶園詩鈔六卷泰州陳理堂學博變著學博少負雋才綜覽  
典籍嘉禾謝東墅少宰視學江淮有郭景純木元虛之目  
尤爲王述菴朱笥河兩先生所激賞詩隸事生新詞成七  
襄筆揮千錦余尤愛其濠梁秋興四首氣格出於性情尤  
爲高壯其詩云桐帽棕鞋汗漫遊風煙蕭颯古濠秋荒城  
畫角千山曉孤館青綾一榻秋照影我曾逢止水無心人  
亦怨虛舟稻梁生計謀常拙白雁聲聲何處洲鎮鄒雲氣

接晴嵐獨客登臺酒半酣遠水生波連郭北好山如畫隔

江南魚忘惠子年時樂書冷洪喬別後函稍喜夢魂能識

路殘荷孤蓼徑三三

懷潘沙堤朱南塘葛漁邨

荆卿雄骨已爲塵擊筑

中宵驗苦辛萬古悲歌餘此日三生知己更何人玉樓自

擅無雙品蠹粉空存未了因酒冷燈昏思往事寒蛩如雨

逼蕭辰

傷顧文子

敗葉零星繞玉除元隄蹤跡渺愁予海陵夜

雨春紅粟淮渙秋風上白魚朱履三千絲易繡蒲葵五萬

扇終虛到來一事差強意日日鈔詩聽小胥

嘉慶元年川楚兩地賊匪紛熾總戎宜綿以吾閩龔海峯先

生叅軍事先生與叅府韓公加業親帶鄉勇追殺紫陽安

康境內大小米谿賊匪及賊逼沔縣調至陽平以新募兵

無律紀韓公獨戰無援遂死於難然實忠勇良將也海峯



先生哭副總戎韓公二詩云仁嚴勇智世無倫倉卒行師

志未伸

賊逼沔縣調至陽平關防兵五百名皆新募無紀律倉卒將之禦敵

一死自當酬

聖主九原應不愧嚴親公尊人以把總出征金川陣亡定軍山上雲常冷

諸葛祠前草不春

公死處距武侯墳僅數里

坐地彎弓猶殺賊紛紛鼠

竄彼何人

賊匪突至公馬蹶墜地其僕急易一馬進公揮之去日此吾死所也去何之盤膝坐地上拈弓

出矢殪其執旗頭月一人同公去者皆先逃

十載交情骨肉親

余令平涼公署平涼遊擊事遂

定年年戎馬共艱辛

嘉慶元年余隨宜制府公為

傷心伯

子方分袂

公兄自昌自四川甫至漢中一宿

回首高堂更

愴神

太夫人年八十尚在堂

漢上列屯悲大樹

漢中兵民商旅聞公訃無不泣下者涇

陽舊部泣遺民

公任靜甯都司及署平涼皆有惠政

裹屍馬革君何恨我為

朝廷惜此人

長樂梁聿堃孝廉

齊辰

余已亥同年也著有在軒詩藁余嘗

記其過富陽感舊詩卓然風雅詩云一歲兩經過驚心景色非酸風欺瘦骨激水鬪危磯恍惚日下地蒼茫塵在衣寒鴉吾愧汝猶得向巢飛

作菊影詩須切影字方不負題此題近日佳篇不少侯官馮笏聯舍人翁著有甌甌穠米集其菊影四首之四云不喜濃妝契古懽白衣隊裏間黃冠胚胎未脫仍籬下骨格重描出筆端對月倘摹遺照易聞香要采此花難與君一樣稱消瘦捲上疎簾着意看此詩詠物可謂無跡可尋矣

唐人王仲初鏡聽詞字字迫肖女兒情緒後之擬者多不能及閩縣王子希孝廉景賢余己亥同年也著有義停山館

詩藁有擬本事詩用元韻其西風夜半二句直入仲初之室全詩云當心捧住菱花鏡私語喁喁不可聽心似懸旌

難自持望堦情深竈亦聖西風夜半吹羣帶小犬眠花莫  
驚怪開門生怕聞悲歌神賜佳音妾再拜天涯離別空自  
哀妾夫計日江南同窮巷宵深得好語分明神示行人來  
響屨巡廊行不定安置鏡臺鏡端正今夜與郎夢相見郎  
心可似去年面

古詩有數十韻俱用五言末以七言四語作結此體唐人李  
東川常爲之而高達夫岑嘉州亦偶有之李東川送郝判  
官云楚城木葉落夏日青山轉鴻雁向南時君乘使者傳  
楓林帶水驛夜火明山縣千里送行人蔡州如眼見江連  
清漢東逶迤遙望荆陽相蔽虧應問襄陽舊風俗爲予騎  
馬習家池余選詩話適登此格友人有力辨古來詩斷無  
此格者故錄以示之

侯官倪粹卿明經

琪

有粹卿詩藁

已酉榜

粹卿詩筆秀健其泊

舟點澹灘下云點澹灘頭地銀濤萬馬奔山家藏綠樹人

語近黃昏竹篴穿雲過蒲篷帶雨喧俊游看壯志那便愴

離魂

長樂梁蓉圃孺人

韻書

侯官許蓮叔明經

濂

室也著有影香

窗詩草其詩之名篇可咏者如孝子烈婦歌齊烈女歌題

顏魯公多寶塢碑文楊本後黃石齋先生斷碑硯題詞石

榴花歌荔支香歌諸作皆風雅宜人秋望一詩極見秀健

詩云四望茫然詎有涯征鴻向處是鄉家故園幽徑荒松

菊客子邊城惜歲華萬里寒雲盤野鵲一天殘照送歸鴉

夜來倚枕秋宵永皓月通宵照碧紗吾鄉閨秀可與黃如

洲紉蘭許素心何梅隣諸女士比肩接武

閩縣陳耀卿孝廉

和錫

余兄之子壻也辛丑與余計偕北行

路中嘗得句云竹深不受暑巖密易生雲斜橋愁過馬淺水易叉魚煙深興廢寺雲掩有無山皆可入摘句圖

侯官陳古龍

鵬飛

著有唾餘集詩小有風致其問花四絕頗

覺清脆詩云錦作香塵玉作葩卿身合是住仙家人間若有桃源路早渡漁郎一葉槎玉人望斷戶微扃越自思眠越自醒夢裏尋卿猶未得銅荷漏箭響丁丁忽地鮮魚一縷通春風吹汝近簾櫳含情如解儂憔悴故故當窗露片紅負儂不結同心蕊對汝空添鎖骨香淚比露珠紅更甚多因濕到汝衣裳

長樂女史梁梅居

秀共

九山先生之女國子生陳君兆驤妻

也著有梅居遺藁詩近雄秀出於閨中尤不易得其出山

海關云天

以關雄關幽燕判此間海光時動壁城勢欲爭

山拔地重樓聳排空萬堞環征途凝眺處紫氣繞烟鬟此  
詩有銅鉉鐵板之聲無傅粉含香之氣出於女士宜乎不  
永其年耳

東薌吳蘭雪先生絕句神韻不減漁洋山人近有儻父痛斥  
其詩並其絕句亦不齒數可謂庸妄巨子今專錄其絕句  
若干首以規梗概輕薄爲文者可以返矣其題謝筠岩明  
府漢行詩草云嚴裝萬里候人催新向雲州督餉回馬背  
尋詩秋色早碧天如水雁聲來湖上夜歸呈夢樓丈兼柬  
都轉云鏡光十頃浸樓臺垂柳陰中畫槳回湖上二更涼  
月滿芙蓉齊化美人來戟門深夜不曾關待我狂歌擁楫  
還說與使君應如煞萬花管領又湖山溪上云柴扉臨水

是誰家便擬傾壺坐淺沙畫出晚晴天氣好綠芭蕉葉白  
荷花題繆善夫臨水妝樓上晚潮圖云白髮蕭蕭繆善夫  
風懷老去未全無晚妝樓上秋如水第一銷魂唱鷓鴣蘭  
谿權歌云蘭谿谿水膩於羅夾岸花開照綠波蘭漿一搖  
風十里鴛鴦多處美人多邨居襍詩云畫橋連日漲溪波  
天氣陰晴苦未和一網斜陽疎雨後落花紅較白魚多意  
行十里未嫌遲又是村煙向暝時歸路却隨黃犢返無人  
知道爲尋詩九峯襍詩云田垓溪路亂流通瀑布迢迢自  
九峯十里菜花黃盡處人家都在水雲中溪水奔流似海  
潮叢篁古樹自蕭蕭昨來烟雨空濛裏曾挂紅簾過石橋  
登舟留別廬山云縞衣吹笛月明中曾住天遊第一峯武夷  
第六曲舊與姪人同遊於此悔不重攜雙髻女仙山來訪李騰空題吳

可之種梅圖云一鋤明月破蒼苔幾日香風爛漫開惆悵  
無人畫疎影禁寒我亦種花來歸襍詩云楓葉鮮红柿葉  
殷疎林掩映夕陽間一痕鴛黛青於染畫出江鄉雨後山  
柔櫓動搖空水光平沙遠澈青茫茫浪花一擲如崩石知  
有鱸魚幾尺長次韻爲海居題雙浦別館圖云渺渺平沙  
淡淡山斜陽細雨杳冥間白鷗飛去無尋處惟有漁竿下  
釣還嘉慶六年富莊驛有蜀中女史鵬紅記院本八齣屬題其後云  
君野航見而和之且爲譜鵬紅記院本八齣屬題其後云  
故鄉遙隔馬嵬坡兵火飄零奈汝何題到小名知是識萬  
行紅淚子規多杜宇聲中夜月高十分哀怨寄檀槽倚聲  
曾似西泠女白晝青衫誦楚騷清江浦聽箏云一曲離歌  
聽漸酣拋殘紅豆滿江南春風忽纖纖手雁杜華年正十



三謝文節公琴為素江明經作云琴名號鍾其陰有銘曰東山之桐西山之梓合

而為一垂千萬古下署一硯曾隨賣卜還金徽零落又人

間銘詞幸不污文海字字遺民古淚班橋專卜卦硯有程文海銘兵氣

橫江白雁來廟堂彝器總成灰傷心似聽桐君語可惜江

南少異材語見本傳身世蒼涼幾伯牙伯牙有琴亦號曰鍾團湖戰潰已

無家履霜一操天俱凍開徧冬青樹樹花故宮花石海天

潮迸入哀絃此七條同調只應文信國松風夜雨共瀟瀟

信公自題琴陰詩有松陰一榻雨瀟瀟句余有山水癖念昔賢多同調者輒紀

以詩云采石危機捲怒濤詩只合畫離騷青山明月今猶

豔曾見先生宮錦袍李太巨斧摩天孰敢勝裁眉天半雪

嶒峻後來蘇陸探竒徧第一開山讓少陵杜子美五字超然

思不羣襄陽絕唱更誰聞幽尋偏愛王摩詰行盡青溪看

白雲

王摩詰詩  
孟浩然

萬壑千巖各異姿蘇州澄澹柳州奇江山妙

處憑誰領都似幽人卷裏詩

韋應物  
柳子厚

山水文章似性情詩

篇蘊藉入琴聲醉翁一操堪千古夜夜風泉瀉月明

歐陽永叔

嶺雲江月句誰能一代雄才管廢興健筆鬱蟠龍虎氣看

山只合住金陵

王牛

樊口西湖最有情嶺南游興冠平生

海天空闊同胸次萬里仙槎泛月行

蘇東坡

生平涉世似虛

舟醉眼公然概九州閱盡人間奇險處月明原不浣黃流

黃山谷

巫峽雲深神女祠成都錦瑟萬花圍夢中偏渡桑乾

磧戈馬如雲破賊歸

陸放翁

講學游山妙悟參武夷九曲恣

幽探采芝恐受神仙謗知己平生陸渭南

朱子

酷愛蓮花又

愛山羅浮廬阜浩歌還欲知道妙無窮處只在光風霽月

間

周子

歸臥高齋德未孤溫山就養老堪娛天台雁宕游蹤

徧一鶴隨身似舊無

趙開道

戎裝駿馬載雙鬟洞府春風幾

日間學道龍邱偏跌宕徧攜紅袖看青山

陳季常

桐城姚姬傳正郎

著

有惜抱軒集

乾隆二十年進士

詩多清雋五

古如送續綸歸里子穎禹卿同游累日七古如宿田家作

舟中望板子磯等篇皆名作也句如閉門生逕草空砌墜

隣花七言如河流畫地分中夏雲氣隨風出大荒三月晚

春悲老物百年後死待奇才亂世鳥飛難擇木男兒豹死

自留皮

邵王

皆健秀可讀

海甯祝止堂侍御

德麟

著有悅親樓詩鈔

乾隆二十年進士

嘗詠醉

蝦詩云有生難得惟中酒到死何曾肯著緋可稱新穎侍

御有論醫詩云庸醫難與謀以藥試人疾欲生是其心欲

死是其術此詩可爲天下庸醫當頭一棒長樂陳君賓有

修園先生族弟也精於醫多活人嘗有句云但覺此心如  
父母莫教下藥誤君臣讀其詩可以知其精於岐黃之術  
矣

平湖沈文恪公

初著

有蘭韻堂集詩多入情之句如靜中求

我方知樂局外看人未覺難詩情添似桃花水春夢輕於

柳絮風皆婉秀可誦

乾隆二十年進士

近日崇祀鄉賢頗多濫廁而孝友祠尤甚此前明某孝廉所  
以深夜負其父栗主以逃也侯官陳蘭臣山人詩云人生  
不朽三立德爲之本立言與立功有本末斯顯所以古之  
人貴乎敦實踐孝友里閭稱謨烈 明廷展奈何小有才  
便入鄉賢選宜乎王半山亦配西廡享此詩可謂切中時  
弊

射鷹樓詩話卷二十一

侯官林昌彝惠常輯

劉海峯曰舉天下之無味而辛苦齧其口未有如煙草者也

自萬厯之季閩人一食之至於今而天下之人無貴賤賢

愚鮮不甘而嗜之

見海峯集  
始論

夫煙草無甚害於人而海峯

已怪夫嗜者之衆詎知淡巴菰之後又有所謂阿芙蓉者

能使人食而嗜之既嗜之雖欲不食而有所不能且一日

不食而其人已如疾病在身而形神爲之不安較之饑渴

而有甚是物之害人如此而數十年來天下之嗜之者日

以衆雖才智之士或不免焉有司屢奉 旨嚴禁其來而

仍未能絕且聞內地禁之嚴其夷船以此物來者輒於海

上交易而漁利之徒亦潛於海上購之而轉販於四處夫

以養人之財易此害人之物而流毒未知所底止此亦有  
心者所爲扼腕太息者也

聽松廬文鈔

洋煙流毒中國人人已

深甚於滔天洪水驟治之不能須緩治之然緩治之當先  
禁吸食洋煙之人然後驅各海口之夷人使之歸粵東虎  
門通商此中治法須在得人建甯張亨甫孝廉日擊時事  
感念故人其故人七言律字字沈著可稱詩史詩云故人  
草疏直承明門客當時獨竊名危論自闢天下計僉謀翻  
啟海西兵千秋難信真功

罪

五嶺堪悲半死生欲嘆唐參饒

智術蕭規隨守荷殊榮

黃樹齋集

偃武何曾廢視師古來聖

世半憂危度支此日煩諸吏戰伐經年厭遠夷蝴蝶化雲

迷畫舫鷓鴣啼雨濕旌旗珠歌翠舞銷沈地望斷樓船又

一時

陳諸

陶侃當年鎮武昌幾曾清嘯據胡牀坐憂江

漢心如日趣諭蠻夷鬢有霜歲月空勞持戰守身名何意  
秣滄桑四明且與蘇凋敝回首烽煙涕淚長

林少穆  
尚書

讀數

詩爲之擊節鼓舞

荆谿周介存教授

□□

精小學工書畫兼善騎射尤長史筆

著有晉略十卷史繹二卷襍文二卷介存於晉代掌故用力最深詩亦頗無俗調余尤喜其論詩一節云嘗學書知用筆內外使轉方員垂縮無不以騰挪出之因用爲詩筆嘗學詞比與互用內心外體棄單取複排陰比陽沈激要眇因用爲詩聲拙於論議以驚見尤及其持久咸謂樸誠因用爲詩心詆諧微出每出風致諠而不虐聞者頗解因用爲詩趣貧女許室悍夫晉街名士放浪於杯盤軒冕促刺於遷擢醜伎炫服而臨鏡枯僧垂眉而嚙經每見之必

噓之因用爲詩戒其晴川閣詩云傑閣依山厰畫圖北襟  
南帶好規模諸姬不盡難成楚西蜀如亡莫問吳估客帆  
檣平亂薺佳人才調沒寒蕪隔江我欲招黃鶴玉笛無聲  
落日孤咏雁句云風急行斜多薄暮霜寒天遠易邊城咏  
柳云十里晚煙漁篴外幾人高枕畫樓中寄書云兒爭秉  
穗喧鄰陌天吹衣冠出古村

此篇重見

侯官黃則仙先生

其紫

箸有蒼農章

嘉慶丙子鄉榜

先生詩清新俊

穎咳睡隨風皆成珠玉工楷法世比之褚河南云其五人  
墓七律則陳元孝之亞也詩云權璫植黨褐衣冠奮袂鋤  
奸世所難已歛男錢封義骨誰銘盜鐵鑄閭官魂依薛荔  
山阿古門掩松楸暮雨寒知與要離荒塚近至今過客莫  
椒蘭句如九日登道山亭云眼看雙塔小身比衆峰高新



竹云綺梅花外誰同調玉筍班頭問出身又云豫卜老成  
饒勁節早從小解虛心菊影云舉酒客邀明月賞隔籬  
人背夕陽看皆語有寄托

作春草詩以渾然無跡爲上柱未谷云銷盡劫痕過野燒春  
風吹上舞裙腰蕪城暮雨連三月南浦新煙失六朝燕子  
飛來江水綠鷓鴣啼處馬蹄遙王孫一向無消息花落前  
年舊板橋極爲葉潤臣所賞

曲阜孔荃溪方伯

昭慶

著有鏡虹吟室集

嘉慶辛酉進士

方伯平生

游踪幾遍寰宇故紀游之詩尤多奇警素不喜應酬之作  
每爲一詩必數易稿而後成故所作皆可傳吳蘭雪刺史  
稱先生才大法細力追古大家可爲稿論其江行襍詩云  
高吟興不極暮色又蒼然落日孤懸水遙山淡入天暝烟

依樹盡江氣得秋先爲愛宣城句滄州夜未眠風景還如  
昨三年別大孤分風出彭蠡插日上香爐山色遙吟楚江  
聲自入吳白公亭下過回首愧銅符讀北齊書云業定芒  
山一戰旋九龍風雨出潛淵鳳凰山下空封石殺獬河邊  
竟上天萬帳秋風歌勅勒三臺夜火獵祁連佛狸黑獺都  
輕量狗腳安辭殿上拳築罷重關又軼關晉陽城郭已摧  
殘河橋烽火傳宵警鏡殿琵琶唱夜闌一自黃花開鄴下  
更無明月照長安不堪懷朔重回首地下英雄骨未寒謁  
史閣部祠云碧血埋煙廢壘平哀濤猶傍舊祠鳴天留一  
木支中外身與孤城共死生燕子新聲春度曲梅花荒嶺  
夜團兵 褒忠曠典昭千古月自高懸江自清潯陽江夜  
聞角聲云太白初低夢未闌畫螺忽送思無端月浮夜氣

千峰動秋入邊聲九派寒蕭瑟江湖村戍古蒼茫身世楚天寬孤舟此夕悲淪落何必琵琶淚始彈登黃鶴樓云極目斜陽楚望開蒼茫今古此徘徊卷簾漢逐長江去隔檻雲從大別來百戰山川銷霸氣二南士女擅詩才梅花落盡仙人老鸚鵡空洲自綠苔春日稌句云楊柳絲長草色肥春寒料峭著羅衣辛夷花下簾初卷細雨人家燕子飛秀水王秋塋大令御著有樹蔭堂詩集大令詩篇風流蘊藉爲其鄉竹垞樊榭嗣音月暗云月暗新涼夜風簾不上鉤竟難窺半面空憶照當頭螢影舊時苑簫聲何處樓離人情脈脈無緒理熏篝送褚靄巖之淮陰云斷雲細雨散如絲別袂依依柳下持草色青迷沽酒處杏花紅點渡江時相逢定下南州榻調李懷古閒尋漂母祠我亦天涯潦倒

客河千待挂一帆遲懊儂曲云沈沈院落夢因依瞥遇花  
間影便違百丈游絲牽不住伯勞東向燕西飛青門柳枝  
詞云麴塵綠繞水凝藍灞岸休聽玉笛三最愛曉風殘月  
句朝來傳唱渭城南旗亭折贈別情難鶉鴉聲聲喚未殘  
正是漫天飛絮起畫樓吟罷捲簾看征人遠道未成歸夢  
裏應憐汁染衣遙憶蘇臺千萬縷碧陰時襯落花飛

德州田山蘊侍郎

雯

著有古懽堂集

康熙三  
年進士

侍郎天姿高邁

記誦賅博詩亦跌蕩排界聽松廬詩話云殷彥來於除日  
餽詩出山蘊先生謂其意良厚報以詩云玉板熟參嫌味  
澀木奴冷擘帶酸嘗都下餽歲  
索以簡橘何如殷子新詩美餽歲敲  
門十五章此可爲門生餽歲添一韻事侍郎詩名句如雨  
過庭翠滋一鳥發清籟萬頃藕花風收之襟帶間驛路秦

川雨春風蜀道花青山遮馬首紅葉壓行裝門人爭送酒  
小吏解吟詩醉仍留客坐老畏送春歸病深思入道交久  
漸知人平野千村連廣武長隄一線束黃河亭邊小沼春  
泉響衣上新泥燕子來皆有唐人風味

富貴每因驕佚敗貧窮半是情游多此安谿李文貞公句也  
入情之語可作座右銘松心目錄云李文貞公扶持善類  
培植文人如白陳北溟之寬救方望溪之死直張孝先之  
獄皆公之力也他如楊名時蔡世遠惠士奇王蘭生何焯

諸人均被公薦拔以經術文章顯名于時書曰人之有技  
若已有之人之彥聖其心好之文貞有焉

泰州黃仙裳諸生雲著有悠然堂集詩出性情不假雕飾句  
如性迂求世少親健得天多雪疑深夜重衾念老親寒自

愧饑寒驅愛子誰能羈旅重王孫今世說云仙裳長身玉  
立能詩文善談論負氣慷慨逢俗人不合輒嫚罵之人多  
目爲狂士

陽湖楊四禾進士倫著有九栢山房詩集進士博及羣書與  
孫淵如洪稚存徐尙之輩唱酬最富注有杜詩鏡銓一書  
頗稱善本詩境如柳陌春晴曉鶯百轉又如簫聲夜月吹  
落飛花其煙雨樓詩云輕煙漠漠雨濛濛曲檻朱欄四面  
通山色半浮津柳外人家都在水雲中珠簾捲處聞歌板  
漁笛吹來擢短篷消暑無如水間好鴛鴦湖上白蘋風和  
朱漁邨秋柳云參差幾樹拂遙天長板紅橋驛路邊雨色  
連江迷去住萬條煙裏一聲蟬金絲曾種近楓宸搖落江  
潭淺露輦短簫斜陽吹遠岸就中多少倚樓人

曲阜孔石村學博

衍城

著有題畫詩一卷畫訣一卷學博敦

行孝友舉孝廉方正辭舉鄉飲大賓又辭以畫得名所著  
畫訣深得宋元人不傳之秘其題畫詩澹遠有神輞川之  
詩中畫畫中詩也題畫五絕如殘雲歇秋雨斜陽明急湍  
魚迎新水出趁此理綸竿秋夜月當午霜色凝滿地四壁  
絕蟲聲孤情何所寄澗道深十丈下有寒泉流岸上飛紅  
葉行人落滿頭浩渺長江波波心印月影萬轉流不去西  
隆秋煙冷迢迢愛探奇行行未覺遠晚宿古禪林月出竟  
不返積雪迷山徑盡日少人踪天寒僧亦懶不聞寺上鐘  
題畫七絕云杳然高寺入雲間客走紅塵僧住山黃葉丹  
楓難繫馬名心輸與道心閒綠樹陰濃覆短亭苔封曲徑  
草青青詩人抱膝吟窗裏透紙山光映幾櫺笑我忘情不

與歡都言避客諉年殘誰知有意懷雲水手寫秋山獨自  
看密樹濃陰六月寒巖邊亂石水漫漫高僧不至山煙冷  
惟有秋雲挂雨巒寒來嶺上望寒汀水際雲飛不暫停待  
看秋風催夜雨煙巒更帶十分青

曲阜孔節倩吏部

傳

著有錯餘詩文集闕里孔氏詩鈔小

傳云吏部家貧爲學以孝行稱今按吏部詩多寫懷之作  
本於性情各體俱合律其柳花絕句一首尤爲情韻淒絕  
讀之餘音繞梁詩云無端喚作銷魂樹縱不飛花魂亦銷  
何事年年三月暮流鶯啼斷赤闌橋

江都汪容甫明經

中

著有述學內外篇明經七歲而孤

乾隆二十

二年

拔貢生

母鄒太宜人緝履以食更百苦以肅其後稍長游

書肆徧閱經史百家過目成誦年二十補附學生賣文爲



養左右服勞心貢九流口敝萬卷鍼砭俗學疏淪古義推  
六經之指以合於世用凡古今制度沿革民生利病皆博  
問而切究之其治尚書撰尚書攷異治禮溯源於荀卿賈  
傳綱提條析得其會通於喪服用力最深惜未成書撰儀  
禮經注正譌大戴禮記補注治小學撰爾雅補注又撰小  
學撰爾雅補注又撰小學說文求端羽翼蒼雅深探乎聲  
音訓詁之原治春秋撰春秋述義識議超卓論者謂唐以  
下所未有也國初二顧輿地之學秣二百年江左莫能繼  
先生於諸史輿地山川扼要講畫瞭然口若懸河論關內  
東吳江北淮南之形勝則有秦蠶食六國表金陵地圖攷  
廣陵通典博稽三代典禮至於文字訓詁名物象數益以  
金石之文成一家言爲述學內外篇依據經證實事求是

爲知新記又撰春秋後傳國語正譌舊學蓄疑彌識錄藏於家詩不多作故無專集其見於諸家選本及流傳名句者如太白樓云青天明月不改色今日登樓無此人又畏讒多禮數居賤習憂勞素心忘世味黃綬屈詩人驚心歲月中年速過眼雲煙舊恨多皆出於性情而無俗響

蒙古正白旗夢午塘侍郎

麟

著有大谷山堂集

字文子乾隆十年進士

聽松廬詩話云午塘先生未弱冠而入詞垣未三十而躋八座且屢掌文衡進參樞務而其爲詩五言則蕭寥澄曠七言多激楚蒼涼方處春華之時已造秋實之境蓋得於天分非人力所能與也又云夢文子樂府詩有云遠憶送者此時到家凡行人初別家時胸中皆有此意却被道出今按侍郎詩五古如朝往香山雞鳴寺將赴梁谿道間作

七古如今年別蘇武牧羝圖中元舊縣驛夜歌三首與人  
哭河決行曉甲石歌多蕭疎逸邁悽越悲壯其名篇之膾  
炙人口者如澹鵲蒙青岑孤篷冒疎雨層波生淺涼獨坐  
聞柔艣句如林隙辨歸人時見一回顧荷動觸虛籟竹深  
流暗螢帳鈎花影外人夢月明中山連熊耳關雲白天入  
鴻溝朔氣黃

侯官家介巖孝廉

藩

余甲午同年也著有學喫虧齋詩草詩

多新穎拔俗細意熨貼兼工駢四麗六文其乙未寓都門  
詠八月十四夜月云今夕長安月流光已滿天空教千里  
共尙未十分圓風露寒如此關河思渺然明宵是佳節相  
待酒杯前超脫切題雅無俗響鱗魚云省筆韻書鱗別創  
牋名爾雅鱔曾譜江東四月閏三月食味隨時妙義參此

詩博雅之氣似金風亭長

吳江袁樸村

景輅

松陵詩徵例言云詩要先辨雅俗黃魯直

曰凡病可醫惟俗不可醫予謂醫俗有良藥人特不肯服耳良藥者何書是也苟能多讀書則身心間皆古氣盤結一切塵氛俗念那有位置處杜老云讀書破萬卷下筆如有神此千古作詩之秘卽千古論詩之秘然則據樸村之論是嚴滄浪詩有別才非關學之說不足信矣

歛吳蘇泉

紹深

蠡說云言者心之聲也其人君子言必爾雅

但詩之爲道不忌說理而不可迂腐不嫌言情而不可淫褻不廢議論而要有涵蘊不禁生新而不可纖俗怪僻不妨用事而不可襍拉填砌此中具有別裁解者解之

永北黃星海明府

樸

原名

利

家文忠公已卯典試雲南所

得士也以少年名進士出宰西川爲鄴都令最久多善政  
鄴人至今歌去思初任鄆縣暗以平反冤獄拂大府意世  
以強項目之爲吾鄉陳望坡先生所激賞而終身之坎壈  
亦基於是矣嗣揀發來閩權福清二載因案被劾改官廣  
文嘗於少香師案頭見其延暉閣詩藁感懷詩語語沈摯  
詩云骨肉無百年聚首未及半可憐參與商出沒望辰換  
樹高分四歧千柯共一榦去條春復生去本枝必斷物理  
愴吾懷搥胸發長嘆孤枕云孤枕當遙夜中腸鬱亂絲夢  
回燈息久愁絕月明知化蝶飛何處懷人繫所思年長休  
比漏漏轉較年遲四十字無限感慨又題同舟圖云江波  
無際夕陽晴畫出扁舟送遠行一路青山吟不盡蕭蕭黃  
葉入詩情二十八字有南宋人風味又改官後嘗有句云

壯心到此真灰盡媚骨生時未帶來詠老奴云傷心知已  
盡回首閱人多亦可想其所遇之不偶矣山行句云山水  
有幽響野花無定名亦蒼秀可誦其嗣君肖農齋尹

伯穎

以儁才官鹽場大使

道光乙酉拔貢

著有海粟山房吟餘草詩出

性情無優孟衣冠習氣讀范文正傳云經濟文章此大賢  
千秋已定秀才年甲兵滿腹資雄鎮風教關心廣義田父  
子功名三世共黎民憂樂一人肩先生節尙高山水百拜  
嚴陵記一篇離尹所作詩多隨手棄去其讀少香師續集  
詩亦風格老蒼非深於詩律者不能道詩云老去文心未  
肯平依然下筆雨風驚才華久已空餘子著述真堪副盛  
名杜甫無家歸計左梁鴻有偶世緣輕祇今詩卷留天地  
好向煙波理舊盟

繪有圖

離尹

更有佳篇可咏者另見

別卷

杜詩公孫大娘舞劍器按劍器未知何物自來注杜者皆未  
得其解近讀曲中桂未谷馥札樸述姜君元吉言在甘肅  
見女子以丈餘彩帛結兩頭雙手持之而舞有如流星間  
何名曰劍器也乃知公孫大娘所舞卽此按姜君說可廣  
見聞後之注杜詩者可以補入

七絕詩喜深而不宜淺喜婉曲而不宜平直白樂天浦中夜  
泊云偶上江隄還獨立水風霜氣夜稜稜回看深浦停舟  
處蘆荻花中一點燈自家泊舟之景卻是自家從隄上回  
看得之船中人不知也此意最婉曲李義山夜雨寄北云  
君問歸期未有期巴山夜雨漲秋池何時共翦西窗燭却  
話巴山夜雨時眼前景却作後日懷想此意更深

作詩貴有身分貴有抱負方爲大家杜少陵詩設身一何愚  
竊比稷與契其胸次可想陸放翁詩譬如凡材遇事見平  
日乃與常人同大有身分余友臨桂朱伯韓每作詩處處  
皆有作詩之人在處處皆有身分近讀梧溪翁詩宇宙皆  
吾事慷慨希昔賢此何等懷抱宜汀州伊墨卿先生之低  
頭拜東野也

山陽龔君聖予七言絕句風味極似倪高士余最愛其題山  
水詩云谷口長松澗底藤石橋山路遠登登囊琴斗酒携  
何暮空負寒齋昨夜燈見養一齋詩話余一讀爲之一擊  
節古夫子亭襍錄載朱竹垞吳天章題倪雲林畫絕句各  
一首神韻極佳不減倪高士朱詩云房山潑墨大模糊那  
似倪迂意匠殊一片湖光幾株樹分明秋色小長蘆吳詩



云經營慘淡意如何。渺渺秋山遠遠波。豈但穠華謝桃李。  
空林黃葉亦無多。按攜李舊名小長蘆。周必大吳郡諸山  
錄。早行至本覺寺登岸。卽古攜李也。舊名小長蘆。天章名  
震嘗以干點桃花半尺魚之句得名者。夫子亭者新城王  
其集名也。按山東長山爲漢之於陵。其地有夫村。卽齊之  
夫子邑。漢于其地立子亭。杜氏左傳注及卽國志皆云於  
陵西北有于亭是也。阮亭題其晚年之詩曰古夫于亭。彙  
並其襟著亦取夫子爲名。不知古有夫子邑。無夫子亭。漢  
亭名于。不名夫。  
于阮亭似失攷。

國朝六家詩以查初白趙秋谷配朱王施宋甚爲不倫。吾無  
取焉。

作詩貴有天才。天趣二者皆非人力所能及。近代詩極有天  
趣者。首推道州何子貞師。其玉筍堂詩純是天趣。直欲合  
東坡山谷渭南爲一手。序云道光甲辰七月余與萬藕船

學士使黔行至沅州阻雨大令謝篠莊同年來晤於行館  
適後院有隙地頗就蕪余曰何不及此雨候盡與種竹乎  
篠莊欣然卽令人於城外移來數百竿不半日間風梢露  
葉修篁成林余聞篠莊爲令敦俗重儒士氣興起因題一  
額曰玉筍堂蓋非徒記一時會合游憩之樂亦冀此邦人  
士抱節浮筠干霄直上有如此竹也旣別後復作詩紀事  
而以張佳話寫餘興焉詩云沅州一夜浪浪雨路滑雲深  
滯行旅奇想忽從荒處生人功正及天膏聚此君排闥至  
何速官符促調誰能拒昨夜吟酣野外秋今宵醉裏城中  
土揮訶木魅越牆走驅使山靈荷鋤舞雨聲方戰竹聲來  
狂風下瓦雷伐鼓泥中漚漚百夫忙煙外蕭蕭萬葉語主  
客相視竹大笑我有贈言煩記取深冬大雪要培壅來歲

雛萌戒偷煮頑鞭易長佳篠難屈節須芟稀處補豈惟要  
術仿齊民頗謂用心通治譜長官愛客兼愛竹因客得竹  
固其所長官愛竹尤愛士護竹如士培植苦我家瀟湘初  
發源沅澧通波連五渚從來桑梓有恭敬忝賦皇華漫矜  
詡學士先題珠玉詞吉語定符鸞鳳羽我書玉筍榜虛堂  
愛士如竹客卽主雙星使者宰官身韻事忽逢萍聚新深  
談商許到身世明日別離多苦辛驛館華鐙今夕酒渡頭  
荒樹古來春他年鴻爪如重印佳士修篁是主人

大興方彥聞大令

履篋

著有萬善花室詩藁及萬善花室駢

體文大令駢體文騷心選理具體徐庾詩亦取法六朝風  
骨少減余嘗喜其屈大夫祠七言律語頗悲壯酷似陳元  
孝詩云湘天生死誤騷人天問何如問水濱七國論才須

帝楚三閭積怨竟亡秦薛蘿山鬼依名士杜若雲旗享逐臣來謁清祠逢競渡野風吹散一江蘋

桐城姚石甫觀察

登

近刻詩藁未見嘗見其後湘集詩筆縱

放七言律爲前明七子之遺其五古晚眺一詩則澹宕有神蘇州柳州之流亞也詩云落日天氣清登樓眺芳甸遙岑聳孤青飛鷺時一見微雨村中來水雲白如練嘉禾受遠風芳樹落餘片牧子催牛歸野人荷簞徧何處樵歌起前山忽暝變

固始趙小樓刺史

彩麟

著有琴鶴軒詩草

嘉慶甲子

刺史詩秀

麗綽約時出新意如杏花一林柳絲千縷其殘菊詩云依舊孤芳在憑誰共晚餐殿秋知事少索句解人難真意從今得天心特地寒捲簾人應瘦莫漫倚闌干步子怕春柳

原韻云隱隱樓臺淺淺灣  
隔隄十里綠廻環  
未經走馬煙  
如鎖慣綰流鶯語  
作蠻嬌眼青青憐我顧  
纖腰楚楚待誰  
攀風流莫漫推張緒  
可愛王恭總一般  
刺史題問渠圖七  
絕二詩神韻極似漁洋  
山人詩云三篙春漲綠  
平隄百轉流鶯喚欲迷  
隔岸小桃紅不斷  
故人多住板橋西  
偷閒還挈舊詩瓢  
琴劍生涯伴寂寥  
觸熱憐他襖襪子  
相逢何處話漁樵  
刺史工書法嗣君善谿大令  
人同官吾閩出其稿  
見示因得讀其詩  
善谿大令亦工書詩亦氣度和婉  
氣吞高力士眼識郭汾陽  
此元人詠太白句也  
近代仁和王百朋諸生  
錫襲之改其句曰目無高力士  
心識郭汾陽則率然無味矣

休甯汪子芸國子生

惠生

著有尺園詩存子芸負不世才足

助半天下工詩善畫好鼓琴圍棋黃肖農隄尉得其殘稿  
出以示余詩筆幽澹多託興之作其齋樹鷗啼夜起見月  
云海鷗棲高樹愁人眠屋底鷗啼人卧聽人咳鷗驚起視  
鷗何爲啼月出濤波裏見鷗復見月低頭念鄉里羅星閣  
登高云三摺迴波百尺樓置身天際竟誰傳眼前幻化驚  
蒼狗江上沈淪笑白鷗一郡河山開勝概萬家砧杵鬱離  
愁人生是夢休疑夢爪雪分明記浪遊寫梅云撥墨橫撐  
礪落霞逋仙老去此爲家一枝寒瘦初疑鐵看到春風也  
着花

寶坻王鷺汀巡尉

保義

箸有借綠軒詩存巡尉善於言情亦

多韻致昔人評薛君采詩泓岬蕭瑟如鼓正中之琴巡尉  
有焉巡尉初仕刑部司獄外補山東安東衛巡檢毛義捧

檄因親而仕非其志也嗣長兄孟平官蓮河鹽尹遂引疾  
奉母就養來閩爲大府記室喜涉獵羣書而不求甚解發  
爲詩歌率多自寫胸臆不傍他人門戶其邯鄲道中懷古  
一詩激昂慷慨如聽劉越石之笳詩云我來邯鄲道不見  
邯鄲倡郊原徧禾黍舊夢多荒唐鬪雞走狗彼誰子利屣  
修袖空相望常山元碑接華嵩主父開國奄河宗胡服騎  
射矜武功戎貉不足撓其鋒駛驄西下窺秦中秦人側視  
心膽怯偉貌豈與常人同奈何熒熒惑妖夢終竟探穀沙  
邱宮吁嗟平原不聽趙豹語一旦秦軍東至此長平鬼哭  
至今愁四十萬人同日死趙括小兒安足論千秋獨惜佳  
公子君不見漢文指謂慎夫人迢迢遠道迷輕塵美人抱  
瑟泣未已北山石櫛悲逡巡千古風流盡渺茫漫將往事

感興亡但斟魯酒莫嫌薄醉倒仙人枕簟傍荆鐵農歸自  
烏壘同居三月行將赴粵迎母詩以贈之云終古黃塵飛  
絕漠幾人生入玉門關濁醪欲盡千年醉老驥初投一日  
閒三月鶯花江上楫五溪煙雨夢中山從今人世多行樂  
莫惜離愁更淚潸西征將士云戰勝歸來暫解鞍前軍會  
食令旋頒衝車夜奪胡羌砦突騎朝馳大夏山地下已多  
新鬼哭人間未許寶刀閒宵廬落日寒鳴角吹人秋風改  
故顏

蒲州吳天章諸生雲著有蓮洋集集中短篇詩出入騷雅句  
如潮來全楚白雲上半江陰則入盛唐之室他如干點桃  
花空林黃葉諸句久已膾炙人口余已鈔於別卷漁洋山  
人云天章至京師未知名余賞其詩一日待漏朝房誦其



句於葉詠菴葉下直卽命駕訪之詩詳此可見前賢愛才之篤今之讀佳篇而卽命駕者則實少其人也

侯官陳自周

松慶

有次樵藏藁自周詩不規撫古人而自饒

天趣有如白雲初晴幽鳥相逐又如曲渚芳塘閒花滿徑  
古詩多幽澹之作野望云步出城南隅嵐光青射目風迴  
田草歛雨餘滿水復農人集三四耕牛驅五六放歌獨扶  
犁擊壤羣鼓腹家門隱蔗林村落深茅屋少女挈壺觴大  
婦致饘粥雲鬢綠垂肩山花紅映肉席地羅杯盤菜羹襍  
魚菽日斜急風雲煙橫散人畜此樂人不知而我風潛伏  
身非富且貴又異樵與牧作嫁代人忙枝棲同鳥宿桃源  
隨處有囊金幾時蓄立錐無受田居行長碌碌客中登高  
云再上惟餘尺五天舉頭星斗挂窗前雲中鸞鳳窺人下

檻外簾櫳待客懸落帽風狂催送酒題糕詩就又飛牋登  
臨已悵家何處不見黃花更可憐讀此詩可想其胸次高  
曠舟夜絕句云十里谿邊此俊遊琴聲婉轉和漁謳江山  
閒甚人忙甚萬感紛紛入客舟此詩風骨不落開寶以下  
句如石瘦山橫木秋高菊放花山間谿徑村田少城上人  
家水榭多皆清婉可誦

吾聞近代詩以雄特見者如謝朓男廣文薩檀河大令陳輩  
仁先生檀河詩已錄別卷其絕句尤隸事生新鮮若霞綺  
如題陳秋坪畫洛神云不畫針神畫洛神芝田館外采旌  
新三臺笑煞張燈火君豈黃初作賦人題鄭嵎津陽門詩  
注云三藏袈裟絲縷紛羅公幻術果希聞如何環上逢山  
鬼不爲官家發六軍承平故實山村翁樂史陳鴻二傳同

獨愛行宮小詩句白頭閒坐說元宗閭宮詞云騶家建國  
舊山河島嶼樓臺浸碧波軍府新開大都督兩朝天子錫  
珣戈知登庸樓上鼓鐘催鳳詔重重闕下來今日旌旗聞  
出餞拾遺又賜錦衣回招賢院立四門開八族衣冠一代  
才自是君王能養士肯教狎客孔江來擲碎玻璃忍不看  
國家經費念艱難軍中敗袴無由補酒庫新收醢袋殘雲  
開寶相夢諸天知爲君王廣福田衆願合成新法界十三  
鑪冶鑄金仙料得夷蠻佔客來貢船針指出登萊海師一  
夜因風雨報道黃崎新港開張燈大舖宴輝煌夜半君王  
到暖房不費黃金買詞賦買絲也合繡冬郎延被袂流觴  
又永和龍啓三年  
改元永和蘸波香影簇官城桑溪不少穠桃李今  
日春風屬綺羅擎來筐幣自金陵千鐏吳蠶一片冰曉事

內人語花絹就中知誤不云綾百道階通蕭寺街湟槃佛  
子最銜懷中元歲歲孟蘭會薛老峰前更近西黃金布地  
白龍祥曉事人晚蔡侍郎堂牒除官真利市齋壇先祀水  
西王鵬睡眼麻茶對鏡臺玉階履迹掩春苔君王紙尾批  
何語參政今朝疏不來角瓜片飲不須觥長夜君王未解  
醒聞道相公卧街市口中不住喚春鶯疑重霄影落見層  
層布地黃金惜未曾每夜樓頭沈月色一城七堦萬枝燈  
石根如穗裊祥煙土貢宮中亦萬千寶局呈來新鑄樣一  
時傳看永隆錢寓吳門偶成四絕句云紅燭笙歌笑點蠅  
洞庭風月太湖煙別來猶著蘇州夢茂苑鶯花過五年天白  
樂明月清風四萬錢老梅有伴卜居聯黃柑紫蟹秋攜酒  
瓢笠狂歌應厯年美蘇子吳臺越戍久荒煙說虎盟鷗鏡裏

天聞道鴟夷扁舟去被人妬煞石湖仙灑石一自春風到

茜溼玉山蕭管集羣英儒衣僧帽行天下金粟道人顧阿

瑛頭玉真娘墓云生公石畔劍池邊買笑猶飛榆莢錢草

訝慈門留泊葉桃花生世解參禪雪到江南怨易消吳宮

草綠關裙腰春風一鎖芳華住閒煞姑蘇四百橋睦州云

蒼茫雲樹數歸鴉丹嶂臨江落晚霞記得來時春水碧亂

山殘雪映梅花蒙陰道中云斜風細雨弄陰晴麥飯相逢

花滿城今日行人最惆悵蒙山山下看清明揚州襍詩云

歌館弋林邢水湄珠簾十里映金芝春風吹徧江頭綠不

似參軍作賦時飲馬長江萬匹煙佛狸宮帳暗淮天可憐

瓜步山連戍落日寒潮唱卯年景華燈幌不曾收丹鳥籠

山照夜幽東郡可能明月臚明冷火旗都在殿西頭花底

流杯老一身玉梅不見武功春琵琶何處空明月給諫山  
前絃管新淮南定策倏蟲沙燕子春燈入內家最是銷魂  
石城曲二分明月冷梅花兩行小吏豔神仙陳迦陵修禊紅  
橋碧漲天多少十三橋下過風流不說杜樊川易水絕句  
四首云鞠武謀迂創馬肝馬頭生角誤燕丹自從督亢孟  
康讀坑苦浪坑全圖去風如蕭蕭水始寒豎子難圖彼武陽薄游  
榆次早知亡千金匕首誇濡縷不及秦醫有藥囊誰云生  
劫比盟柯羅縠單衣尙鼓歌畢竟秦妃精劍術華陽空使  
泣宮娥衍水安能保一家金臺士去最堪嗟君看他日韓  
仇復豈是收功博浪沙揚州絕句云朱鳥千帆鬪綵舟衣  
香不散大隄遊征遠只夢江都好禪智山光博一邱三十  
六封一笑休逃藏何處問隋樓開皇不少平陳業只當雞

臺夢裏遊竹西歌吹最繁華燈火分明十萬家獨有廣陵

城上月夜來孤照玉鉤斜答鄭涵山借雁蕩山志云有雁

蕩紀游詩深陽贊府永嘉客遺我圖經日討幽漫說溫台

落吾手東坡次用邵寄雁蕩山圖韻此生不隨春雁住山

頭羨君濯足太龍湫潑眼飛崖瀉瀑流七十七峰高唱入

白雲驚起一天秋惠山訪卞玉京錦樹林云鏡臺鈿扇訢

飄零翦就黃絙抱素琴南渡倉皇餘此恨江山蕭瑟寫雲

林吳門夏日云行春橋外風花盡銷夏灣頭沙柳搖已是

晚秋愁絕處吳門暮雨又瀟瀟京口絕句云寄奴小草自

春風猶傍丹徒舊日官五色雲章何處寺南徐明月大江

東金源絕句云遊田剌鉢草風腥羽衛弓刀集會甯今日

圍場先告廟大遼不索海東青橘袍金甲想南征立馬吳

山按萬兵誰信軍中占太乙誤人一曲柳耆卿三千女孽  
沼吳媒何獨宸妃兆禍胎君看明目全盛日愛王先自紹  
興來臨淄公子老如庵門禁新開集雅談煮茗焚香翰墨  
貴北兵不見下河南長白山高建寶幢遷俘二帝淚雙雙  
南師豈意南埤下眼見青城又受降一代南冠野史亭白  
頭無淚哭秦庭翻城國賊同聲頌甘露磨碑辨郝經